



舟發漢口一望以風阻復返時存商小荆二姪
俱在予病不能陪而我師侄先約再至復依
韻賦一律憶之

別來抱病臥扁舟應患枯腸宿酒畱未序三都慳筆
夢失陪二客勝囊羞衍談甫逐盃中散剡棹還驚漢
上流君對石尤无用悵予今從事怯青州

存商小荆二侄送予黃州舟中恰值九日次早
侄欲言還賦此志別

客中佳景倍空豪況復扁舟兩送勞赤壁游移誰問

漢黃花管領獨輸陶江南故自饒肥鯁孟右猶能佐
醉螯暫聚不須增寂寞興酣川上即登高

九日舟中憶我師姪用前韻

追陪數日得詩豪乍別還如久思勞卸客離騷能醉

讀楚材用社屬鈞陶

時侄有用社一刻

江連三水巴書蚪景

入重陽雪剖螯兄弟插萸猶未少龍山應在鶴亭高

是夜風暴甚存商小荆二姪至不能安枕移宿

岸上次早舟發不及握別因依韻賦一律嘲

之

風遇重陽怒吼豪對床避地不辭勞舞鷄欲效先鞭

祖興馬能同運甓陶畏向龍淵伸足蠖漫分蛇穴動

雙螯心知未了囊萸願中夜還登彼岸高

重陽後三日孤舟阻風雨後特訪青龍寺寺僧

陪話良久更送土蘋有述

野寺瀕江護竹籬停舟遊憩話移時僧言東汝曾飛

錫我謂南廬可料詩村落月明畱吠犬園蔬雨過惠

躑鴟悠然有會俱塵外茗椀餘清入酒卮

九月望日舟次九江遇雨

秋郊亢旱雨稱岑莫悵扁舟獨不空
漁艇荷蓑新鬻鯉煙堤藏柳故迷鳴
倦交客借泥塗簡貪睡人乘石
火遲更有黃花猶未踏肯尋偏覺
鬧東籬

九月十七日湖中遇風

湖千百里浸平沙一日憑虛疾泛
槎雪浪鷁飛明瀑布雲帆魚貫建
高牙杪秋續有滕王送雄快先從楚
客賒久別匡廬方寓目廢然轉盼
失煙霞

昌邑道中

村帶平湖室半空柴門唯有野航
通雲合鷁意淡秋色人逐狂呼醒
倦風弱竹細編彌岸網疎林斜逗
隔溪蓬會城已近何蕭索遙睇西
山落焰中

歸至漳江門適長兒先至候迎舟中夜話

烟波此日息孤航畫鷁依然見綵
行萬里王程天外節三年子舍雨中
觴竝欣無恙風帆穩未免有情露
薤傷馬首欲東猶倦客懶將秋色
束歸裝

三道公署

行臺冠蓋數周旋久客多情亦自便
時事耳談詳即報知交面語勝械傳
封疆費手流氛日里社攢眉水

東坡家乘 四卷 二七
早年魏乏許謨辭下榻聊將咨訪佐承宣

送楊識初醫士歸常山

誰作書郵動履綦翩然道術挾岐西溪雪映烹茶
夕東浙雲溪採藥嘗肘後丹經仙久契舌根玄緒俗
堪醫知君入里應殘臘歲計功圓杏蒲枝

輓念敬侄

壯游未已正揮戈旅館何期便夢柯結客金錢能倒
橐驚人玉屑有懸河蕪關密寄刀頭字槐里頻傾劍
首歌歸觀不逢堅執紼涕淚瀾浯水共滂沱

輓象吾侄

惜別當年一氣滋長依依郊餞共持觴中衰運振煩家
督尚友在隆擁吏商代重鶴原姜有被庭嚴經訓孔
循墻宦遊比及仙遊太空憶三秋隔佩芳

奉輓九十二歲老翁鳴吾兄長

並擬靈椿脫劫灰百年梁木忽驚顛伏生口授經存
壁衛武心箴史佐楹燈下蠅頭猶作字談中塵尾故
憐才還餘玉樹堪垂澤取次羣芳手自栽

奉輓吳川兄長

旬日頻興大耄嗟詎逢子歲厄龍蛇講修約社司牛
耳訟解閑田絕鼠牙彩筆贈言饒別趣青箱譜事重
吾家未應釣叟終磻隱還報孫枝已吐葩

丙子元日試筆

長將逾邁惜流年未解牢騷賦倚天彩筆珥時慚袞
補青氈藏處負箕傳槐庭又競先鞭路椒酒浸分後
酌筵空憶壯懷惟越石左轡繁弱右龍淵

六月晦日過會嘉侄齊頭信宿有述

雨餘修刺步郊南溽暑蒸雲重遠嵐地隔寬鄉收易
竟農當儉歲望難貪魚花館蓄清晨翫鷄黍隣俱越
夕談歸路荷香仍送客數枝還足膽瓶涵

臘月行素丈招飲金輪閣奉謝二律

何期歲杪話綢繆重上金輪最上樓千樹楓丹村色
隱兩溪沙白岸容收僧圖臞象求鮮墨友扁空堂感
舊遊宿鳥無煩催飲劇歸途早擬暝煙浮

其二

北還竝約附行塵隨向層臺話上人鼓膽韻悠疑鐵
馬扁顏勢杳隱金輪落暉忽逗梅梢月凍土旋回麥

秀春此日郊游須重惜五雲深處少閒身

我師侄再試不遇隨乃翁與其弟復歸惠予詩

扇中多不平之感予依韻答之志喜併慰

纜棹歸舟繞蠡匡同根話別喜非常獨憐謝宅蘭芬
競誰識豐城劍氣充客路新詩娛彩袖吾家舊物貯
縑緗逢年無事興多感立幟中原技故長

丁丑元旦試筆

用前韵

家食從容忽換年衡門霽色蕩堯天新禧竝散桃符
入春信仍從竹爆傳惘惘溪毛通帝座蕭蕭蘭玉視
榱筵只慙虎拜趨踰隔未旬涓浹達 廣淵

人日

閱人成日幾乘除閱日成人積卷舒覽鏡祇添潘氏
鬢開函誰破剡侯書玄黃幟立寧堪戰赤白藁馳莫
肯鋤欲向靈辰迎善氣東風着力合先噓

大春後一日飲餞我師侄夜分釐送至坊下因

索句志別

送客迎春兩盡情客回春至雨還晴黯然別賦湘雲
遠爛熳華燈溪月明香老梅魂催歲換青舒柳眼盼

東澤家乘 四卷
君行聯吟無限躊躇意未忍春江是客程

丁丑歲正月十八日先君崇祀鄉賢

何期冠帶雜園橋俎豆輝煌燭火搖璧抱連城虛善
價璫依數仞振高標百年定論芳猶在再世明禋澤
故饒先伯祖庸鐘釜已違暉草意空餘風木撼中宵

齊公有祀
蚤入郡城

束裝雖近緒仍紛纒報新晴便喜聞遠岫醒含猶帶
墨小溪暖動漸生紋擔頭逆旅喧如市鍾柄恒農盛
若雲爲約春暉延數日郡城風月快平分

歸自郡城

疑是春暉不入城猶餘霽色送歸程已令山轎開雲
影未許村盃聽雨聲野菜爭傳桃李信水芹遍動石
泉情五峯風月應難償今夜槐庭倍取盈

除夕歸自陪

祀與我師侄話飲遂依侄韻

志喜

穆清親戒闕宮厨竝肅 天顏羨握符五品鷓班
驚乍入三年馬齒覺微枯折衝有寓堪經武俎豆無
聞自媿儒新泰又將新歲轉竹林椒頌即賡虞

戊寅元旦試筆仍步我師侄韻

數載瞻依切遠臣今朝閭闔拜趨新
天邊極酒傳清曙夜半爐烟散蚤春
一索祥開銀榜震百僚喜動斗杓寅
心知已遍豐年瑞不使長安剩醉人

勸楊老師櫬還

束裝只悔獨遲遲不見師門樂育時
夢奠兩楹何大遽身嬰二豎竟難支
斯文欲喪空蒲坂我輩疇依失仲尼
旅櫬西歸無用憾晚蘭絕勝李桃枝

都門試燈仍用我師侄韻賦二律

昇平有象邁粗安又見皇都樂意團
匝歲巧爭三夕勝九枝允共一輪般
與偕盛事誇叨宴茂對芳辰惜跳丸
憶昨聯吟還此夜同根異地倍爲懽

其二

鬱葱佳氣聚長安鰲綵蟾輝故作團
車馬塵中喧是處雨花佛界現諸般
霓裳聲度千家管蜃市芒開一粒丸
更喜君心能化燭逃亡遍錫綺筵歡

先上元一夕遇雪

滿擬星橋引月華何期八外散奇葩
山棚綵結翻鋪

玉火樹珠懸更着花水
點茶甌添綺席塵清槐路擁
香車只慙賦拙陽春調
爭獻宸遊侑紫霞

戊寅春生日時際

東宮加冠講學二大禮

我師在賦二律紀勝依韻酬之

誰言燕楚隔殊疆
華祝依然聚一堂
明兩前星開福曜
浹旬元夕簇春陽
素修祗媿知非玉
丹術何能導引房
家慶轉懷棠棣美
今宵有句夢池塘

其二

卽第荒涼乏玳筵
不斬觴豆共歡然
幸闕出震三千禮
喜傍長庚尺五天
酒半綺談添上客
詩成綵筆辱高賢
相遭初度能如此
霜鬢何妨舞席前

戊寅歲仲春七日

東宮出閣講學恭紀

鶴禁弘開麗慶雲
龍姿首出迥人羣
儀端允稱三加禮
音節能宣二典文
訓詁何裨蒙自聖
謳歌共羨子吾君
微臣莫罄躬逢喜
蚤見重華協放勲

送丘鞠懷年丈省親

東風催柳護王程
黃閣移旌向楚城
君德有成勞啓沃
親恩罔極切溫清
楊花馬首縈歸思
竹簡鴻

翎寄別情元老已知鍾眷久明良須記蚤歌賡

送介臣宗丈之天長令

牛刀此日試新礪鳧鳥翩翩下泗亭喜入筇鳩泥有
紫權騰竹馬柳先青金湯故挾龍飛氣樽俎猶噓燕
翼靈

聖代龔黃勞拊髀好將循吏重明經

送傅木宣之蒙城令

君今製錦接同人重擔仍有社與民經到通儒纔有
用政因舊令轉能新潢池暫試三驅法豐芑浹培數
世仁叱馭應憐春已暮桑間蚤見雉堪馴

送季程弟還南

灌陽新令別淮陰季子賢勞祇問心有客長安慳桂
玉無人逆旅贈裘金青霄未引薪仍積紫闥難通陸
轉沉自是趨庭多色喜越裳已得指南針

戊寅歲六月十八日召對中

極殿對畢復應制答策恭紀

爲詳考慎亟臨軒三接情連三策溫直借審形通帝
賚更將詢事集羣言天威汗洽班逾肅日昃毫揮
陣欲奔媿我十年窮颺技頽然待月出金門

已卯元旦試筆

時坐正陽門

中宵鈴柝響城南共候春風入舞衫拜稽祇瞻天近
五歡呼猶祝歲登三瑞聲一道開嚴戍爐焰千門破
宿嵐願借義輪鞭虜騎蚤清皇路卽恩覃

三月十八日撤門次蚤行加

聖母徽號禮

恭紀

忽報 綸音賜撤門重肩如釋拜寬恩擔頭竝帶軍
裝色馬首猶驚旅次魂 寶冊修文允竹豆耕犁復
業見花村只慙半載同關吏未有鷹揚慰 至尊

壽曾母陳安人七十

樞臣帷幄正酬功壽母筵開金碧叢罔極有懷鳩飼
溥常平能散鹿臺豐晚蘭澤厚資詒燕 制草恩深
答助熊福慧居然符繡佛瑤池歲歲領薰風

病中感賦

主罷 京闈敢告勞寧知積瘁病相遭緬懷國士百
年樹詎負 君恩九日糕誰借床頭添氣色莫看
鼎足潤膚毛枯容自是成衰老羞對黃花瘦亦豪

閱新士騎射有感

較罷穎糜較矢弧翩翩裘馬信誇都鼓聲直向飛塵
辨的質原從靜體符期畜武材求骨駿立呼羣寐策
筋駑却慙主者無多藝猶守當年寸管枯

病後感賦

何期火宅轉冰淵直是彼蒼假我年未燦筆花猶有
夢紛披架艸尚多綠倦餘却喜籃輿廢衰後唯求藥
籠全康濟自身須問路溪邊風月正相憐

奉賀井虹嶼到任後即捧恩綸志喜

遙知綸捧即開顏媿我分襟未送攀鎖鑰桃林爭扼
要韜鈴蘭署讓優嫺厲兵霜肅華陰靜秣馬風寒渭
水潺寇騎縱橫應折箠聖書再見五雲頌

寄勗韓城令李玄篤

夏陽古地重茲城民社宏肩未可輕爲政不難宐巨
室愛人有學賴經生畿南夙著安攘績華北新傳保
障聲久任更須鞭末路御屏守令正疏名

再閱新士騎射

是日風烈

塵沙眯目竟彎弧功令新嚴肅上都環堵觀儀欣再
見大風息猛恰相符文須脩武龍能蟄習可凝神驥

厲驚但切同仇應奮袂肯令萬骨與南枯

巳卯至日

聖駕親郊恭紀三律

聖德如天道合真煌煌郊祀達明禋 廟謨修脩占
先甲 廷議尊經酌上辛黼座已嚴無逸訓園丘更
悚有孚神但祈省歲符乾日敷錫餘休及庶民

其二

氤氳一氣徹玄真鉅典凝承肅上禋竝見天心存姤
復懸知人事在庠辛輝煌圭璧崇三禮焜蒿壇墠戢
百神仁孝饗親同饗帝還詳父母作斯民

其三

詠來至日護清眞殷禮相沿舉帝裡黍稷升中方薦
苾藜茶在念有含辛生機自叶陽初律清問寧煩夜
半神欲俗畿南紆 睿覽省方未許及編民

庚辰元旦試筆

維皇錫極再逢辰一紀初周又作新鸞服寵允依六
載 鶴軒佳氣入三春律吹先得門桃爛筆夢迴環
窗艸馴但願陽和隨地布歡堂不作何隅呻

其二

運際明昌是我辰，況逢元日與維新。宦隨人後寧憂
晚，兒舞堦前自得春。天錫代言窮臆拙，年淡知命見
龍馴。所祈健飯須玄佑，莫遣衰微无病呻。

元夕 寄方祈雪

朝來寒冱倍嘉平，新入春風未便輕。火樹不驅爐獸
冷，冰花更傍綵鰲生。偏當人緩聲，逾促月爲燈。殘色
轉明霽後不妨淡，尺雪早將豐樂豫。皇情

送馬九如太史假還

辭臣暫假潁川居，樂事趨庭又板輿。日下寵章從鳥
起，天中真氣向關舒。青藜是處能窺史，絳帳承家有

說書啓沃

經筵勢引領，莫耽風月入詩餘。

仲春七日陪

祀社稷雨甚恭紀

勤民盛禮舉春祈，盡日齋壇春雨霏。設次露臺迎翠
輦，燔柴水殿映朱衣。楯郎亟望優旃憫，早魃先驚風
伯威。莫訝征衫綠濕重，淡淪皇澤荷言歸。

再閱新士罰補騎射仍用前韻

棲遲闈外又操弧，應悔公車後入都。的發止祈同親
爵，侯明原與並生符。資先羔雉身爲贄，才本驂騮性

豈駕莫漫柳榆慙決拾筆花猶自足嗟枯
喜我師侄謁選入京奉酬贈篇申請同寓
三載書郵隔楚燕忽驚投刺倍欣然鳥情顧養知勞
夢驢背行吟憶聳肩槐里舊聲雙闕下竹林新況一
燈前獨慚離索淡孤陋未有高文答手編

其二

一官猶自戀都燕別緒追惟祇悵然亂際重門驚鶴
喚病餘獨室怯鴛肩秩陪南國乖薪後淚洒西河隔
纈前羨繡舞衣饒勝事新詩用社已成編

其三

同根再喜共趨燕莫厭齋厨轉索然山水已供詩畫
眼風塵應息劍書有一樽未盡澆泥後七碗還期試
雨前今夜儘堪談近事題名小錄又新編

三月十五日

殿試受卷恭遇

皇上 策士 駕巡丹墀是夜靈雨應祈恭紀
閭闔祥允應運開拔茅榮遇動星台 黃麻特厪憂
時聞翠輦還驚闕士來共識珊瑚歸鐵網都將駿骨
市金臺即看薄暮霏靈雨須信商霖不借才

其二

明時咨訪誕敷文駐驛情同側席殿廊廟久培豐水
芑草茅爭獻野人芹有攄三表年還邵太就千言日
未曛策罷桑林寧用禱羣龍噓氣已成雲

送念堂侄南還

何期星聚話燕都又挾萍蹤便入吳佳麗金陵諸渡
葉清貧玉署恰觴蒲世途險巖恩生害晚學沉潛俠
即儒已覺宦情輸社樂角巾私第訂溪渚

夏月幾望同李括蒼黃東岸朱茂如三丈送客
便遊金魚池薄暮復訪我師任再酌遇雨任
志喜有作予因次韻

未暇先驅話竹林同人欣赴樂郊尋移尊已極濠梁
勝命駕還紆巷轍淡車附美姿仍載果巾從折角豈
憂霖獨嘲主罷來風雨楚客雖狂亦問心

其二

雨地飛觴樂事成應時觥令各爲傾竟忘南郭雷偏
震但覺西山雨亦醒看竹無煩題鳳字如棠不減聽
鷗聲先是傳詩有馬
上聽黃鷗之題歸途委頓寧辭瘁珍重遊人一

日情

輓中堂靜翁蔡老先生二律

擬申 寵命冠新叅詎倦勞謙便弛擔格 帝精神
咸有一過河憂計竟呼三時名獨遜錚居後相業羣
推斗以南更異藏舟聯降嶽翩翩箕尾想駢駢

其二

去國三人並後先何如盡瘁得天全每談溫樹冰爲
惕纔植門桃火欲傳未肯怡情營綠野直將繕性接
青田身名完璧歸輿觀獨恨西江失躍淵

送劉洞陽年丈恤刑西蜀

解網欣沉貫索躔使星入蜀故翩翩九天露洒支機
石六月霜消濯錦川自是平反娛壽母正堪親覽憶
先賢日邊記頌餘才思應向花溪問薛箋

我師侄謁選恰逢四十予觴之併和書懷二律
志慶

昨夜庚星倍炯明野分應得楚吳平真人久現三身
性廉吏將紆千里晴愛日正堪酬志養逢年蚤已償
躬耕無庸捧檄嗟征邁好傍題輿策食兵

其二

懸弧此日正逢辰，恰合當年強仕身。
燕市價售多駿種，楚天節弄有義民。
傳家治譜寧憂術，破格徵書豈問倫。
旦晚舞衣隨晝錦，秋風莫遣動鱸尊。

贈官行可候選廣文

拔幟名場閱有年，經窮皓首亦堪憐。
博員欲到公孫名講席，誰爭戴子先絳帳。
鐸音流里塾，青氈藉味種書田。
聖朝破格躬逢盛，寧俟神駒着後鞭。

贈吳春臺別駕赤城

莫言關外卽孤臣，西顧居然帝里隣。
軍國脂膏盡半刺，宣雲吮背扼全身。
吐猷足煥陳輿色，治譜能仍范甌塵。
尺帛無勞多繫鴈，璽書蚤挾玉書麟。

九日吳春臺攜盒邀官行，可我師侄暨予登高。
予不能因飲予宅中，予亦觴之。至夜分紀事三律。

長安酬應並知勞，假我良辰獨解騷。
門外白衣欣有韻，饌中素業愧非豪。
臨風客備龍山帽，當月人疑官錦袍。
隨地詠觴同選勝，寧須踵事競登高。

其二

脩員筆札敢云勞
羸得餘閒可讀騷
三徑會心寧在遠
一官舉足不能豪
霞天有待雷葩賦
風雨無侵任縕袍
籬菊社枌仍勝會
鄉心豈逐雁雲高

其三

何事移尊逐物勞
蕭然卽第足風騷
令嚴秦法觴逾密
調入楚歌板故豪
紫氣西山輝蒲座
黃花左掖襲薰袍
其期醉後煩清紀
肯讓茱萸句獨高

孟冬朔日陪

祀太廟徐候

頌曆恭紀

煌煌燭火開風酸

鶴俟天威倍凜寒

禴祀嘗蒸明物本
作訛成易告民端
無庸較獸先期正
其識餼羊卽禮看
仁孝誕敷文德美
還祈新意接湯盤

署中有感

帶來疎懶自無嫌
更以猥煩轉得添
短髮難簪留越宿
枯髭憚摘聽勾尖
塵浸犯硯纔須拂
書便開函竟廢籤
杯物獨勞相勸獎
夜來忍忽不忘拈

賀梁谿觀墀趙封翁六十

獻歲春王舉壽觴
娛閒居士足恩光
共知九嶺儲精

氣獨向三江占勝場墨瀋應同才畫絕筆花故挾品
泉香人間清淑如相名蚤見華滋映玉堂

寄贈李涵白憲副二律

薊門虎帳又星移犄角宣雲暫借之黃鎮旌旗新色
改赤城艸木舊名知輕裘緩帶談兵日羽扇輪巾制
敵昔莫訝賢勞俾我獨賈生前席久相期

其二

慙勤未及一通魚我友先題別駕輿學士文章豪更
逸山人經濟卷還舒中台星耀輝龍塞上谷風塵吐
隼旗爲謝北門司翰者神京高枕是波餘

贈廣昌 欽旌節母吳太孺人

平西壽母表名門酣參偏能茹苦根竟以慈幃終義
訓不將同穴易孤存鄉評舊重臺臣典里選新叨國
士恩自是冰霜酬雨露陳情已取帝言溫

送我師任別駕東萊二律

蚤歲思充挾半通更欣展驥得從東家驛二水江
白亭聯三山海日紅麋籠俗還虞作牧艸堂跡訪
司農共廟廊正亟膠河議轉餉須籌第一功

聚首都門慊詠觴一官別駕赴王祥宦情南國思常
調治譜東萊試異方宴襖亟圖潘母舍規隨先得蓋
公堂漫疑日近長安遠努力清時趁任強

奉賀紹梧兄長八十壽日

欣逢涪運振中興雁序聯翩雀巢增累代衣冠開畫
錦一堂書史動宵燈濯纓溪上鷗鴛侶採藥山中鹿
豕朋莫道僊翁康濟拙已將仁壽點成弘

除夕

隨俗酬年福飲神緩觴送舊與迎新東溪澗雪應融
與北海盤冰欲試辛歲事共驚艱櫟社天恩獨喜
近楓宸明朝又向鷓班舞不脫春衫蚤袖春

辛巳元旦試筆

遙拜天顏動喜神漢儀不改事更新星輝鶴禁重逢
震歲祝豚盃肇舉辛自有序遷酬拙宦敢爲高論聳
嚴宸會須尋味南中藉攜取燕臺黍谷春

奉賀梁南美翁張太封翁太封母李孺人雙壽

只道滇南足彩雲誰知真氣更氤氳桑榆影裏同鸞

侶花萼樓前集雁羣庭艸舊敷芹雨化畹蘭新挹杏
園芬百年禮樂千年酒總爛祥光焰井分

南行出都門有述

匆匆結束又都門夜半檠燈午後殮學士琴書煩亦
簡親知盃盞冷還溫柳條已負行人約萍梗誰陪逆
旅論惜別無煩三疊促西山已見半輪吞

任丘道中

宵征逐日動飢疲況復情形益感之沉窳空餘門半
面枯榆嚙盡樹无皮春淡花信猶疑隔候到麥香正
恐遲聞說催科猶未緩救荒何自策時宜

過益都接馬年任憶馬勝千年文

木天珥筆共當年我赴王程君已僊十載金閨饒有
夢一枝玉樹豈無傳帳從南郡人終絳草著西亭代
可云慙媿征途艱炙絮遙瞻鶴表祗凄然

蚤發有感

西風昨捲盪朝霞山氣餘寒襪欲加旅饌期程唯儉
腹行人結隊自高牙心旌日颺江頭柳肩輜時看劍
首花客夢無勞飛故里倦遊白下已爲家

老官亭

艷陽天氣自朝侵草色平蕪漸染淡馬首界開青一
片桃腮點破綠千林淡濃世態多歷南北王程夢
各尋已倦駢驂肩未息還將煙棹問淮陰

南雍署中

受事居然半月期江南水土漸相宜日中東刺酬門
薄夜半篝燈伴監規邸報關心猶自斷家音封口尚
須遲更慚閒館紆忙客新筭成竿總不知

五日署中有感一律

此日秦淮逐勝遊頽然臥病不能儔叢篁自媚圖書
舫角黍空陪玉瓚流冉冉歲時南其北蕭蕭風雨夏
含秋已期伯仲完良晤且進家人話族稠

其二

本擬南來補壯遊居然勝事只平儔生徒蹙額慳薪
米寇黨驚心積土流千古懷湘蒲此日三家舉火麥
云秋聊欣門館渾無事惟送鶯聲雜雨稠

江上晤黃又生年丈便宿洪濟寺

意外禪房一宿奇更逢雨霽步相宜樹穿叢畔根逾

東坡先生集卷四
曲帆逗窗前影自移江氣微茫看葦渡茶烟乍起貯
花瓷翠微盡處煩僧指景入清游有夢知

蚤游燕子磯

爲乘郊迎便拂磯肯令佳處覲相違金陵鰲戴噓王
氣鐵鎖蛟馴莫帝畿春水漲遲痕尚在朝暎林隱
暑全微已從獨往窺崖畧還擬同人再振衣

侄輩移樽望湖亭同介臣宗丈

游罷觀臺又望湖竹林佳興蚤提壺西來像教窮奇
怪北固神臯覽鬱紆冊貯初朝鱗有次樹畱古刹
腹能剝過江風力掀涼袂須盡黃流侑雨珠

其二

白下奇觀最望湖四圍山色擬方壺寺中匣秘金棺
錫洲上椽疑畫舫紆鍾阜移文誰可問臺城植柳未
全朝已令喜雨名亭面莫遣懽悰滯米珠

其三

林勝由來暢後湖公餘寧惜泛觴壺六朝寺有碑
在十廟宮多蒿瓦紆荆國道心驢可跨誌公法力
堪剝莫疑亭外霏靈雨揮塵猶能落唾珠

仲夏晦日禱雨清涼山

北吏南冠退食遲，並將步禱赴郊期。
肉糜莫起溝中瘠，羽檄頻傳江上窺。
空有蝗飛遮旭彩，竟教鳩喚動朝曦。
山靈亟念人焦釜，一帖清涼散沃之。

禱雨山下便憇鄭介夫先生祠有感

修祈祠下識尊顏，此地先生舊閉關。
爲疏青苗歸一拂，能畱白簡烙三山。
流民日者寧勝繪，新法年來亦可刪。
願借回天如響力，蚤飛甘潤活人間。

署中夜話

如水涼宵未有酬，蠅頭燈下不堪求。
風來靜院花香動，露泫空幃螢火畱。
隨俗救飢惟麥粥，進人醒倦有茶甌。
竹林列坐談家悉，允景依稀故里秋。

署中蚤起

私喜清齋少應酬，朝來澣櫛自相求。
鶯貪樹密來還去，人惜花濃摘且畱。
鍊液還丹疎藥鼎，搜腸活水足瓷甌。
無庸澣暑催新雨，已覺風塵易得秋。

寄候戶部李參臺權邗

魚食武昌水，建康星輅又在駐。
維揚鳳儲久借鞭，爲

筭鶴貫能通棧及航芍藥祥開還相國梅花冷嚼有
曹郎懸知剡棹艱匏繫引領瑤編慰草堂

附候灘令周元亮

分符北海借韶年珍重朝家負擔肩竹徑談心招別
駕桃蹊接武理新絃孤山高岫風堪挹灘水寒亭月
可憐其憶都門燈雪夜飛鳧有句寄街鱸

寄萊倅我師侄

別後夷猶費夢思多君長牧勝爲師春風拂地新三
島秋月清人舊四知境內應無牛劔擾擔頭仍有鶴
菜隨擬將退食娛雙白樂只攜來誦莫支

七月十五日記 孝陵恭紀

節應中元感著存趨陪俎豆意彌敦貽謀夙戴開天
手聚順能依在帝堯 黼座新修矜素膳容臺舊典
飭紅門稻花蒲葦紛秋色時薦猶堪脩六尊

仲秋四日丁祭

輝煌燈火爛明星人近宮墻日上丁俎豆千秋王號
素佩珂五夜子衿青奉璋竊愧宐周士采芻還期錫
畧庭遙憶翠華臨幸處雍雍饗射又談經

送吳駿公晉秩還里

懸知 內名不能留獨念臯比鐸未收蛾術合時方
鼓篋魚銜分處正傳籌望湖客其兼旬飲講院人還
第一流自是宮闈懷舊學婁江早已志春秋

其二

人太成均韻自留南金東箭已全收暫聯箱席司鳴
鐸久共 宮闈數講籌相業共知盧鉢續朋心獨識
伯絃流蓼花江上應惆悵誰遣分襟分領秋

十六日雍署傳神像成有感

雍齋偶與畫為鄰也倩專門作寫神自信侯封無片
骨敢言佛界有三身塵容共訝都描盡衰景還疑未
逼真對炤不勝惆悵甚空餘食粟一儒紳

其二

綺席人歸雨滴桐漫將秋水掃春容微軀幸不優之
短寢貌翻疑穀也豐甘載精神鸞禁裡一生營魄盡
編中兒孫莫訝青雲客筆未居然田舍翁

赴友人席歸便得吐瀉之疾頗劇病中有作

病來風雨怯承當上下爭衡別肺腸祇謂歡空忘主

客誰知寇莫大陰陽福災自取惟塵界恩害相生只
革囊半百年過還未達養生何處問津梁

九日署中有望

戴星祀典奉高真就日封章肅遠臣插共囊萑憐異
地投閒籬菊笑忙人山疑載酒餘酣葉帽解呼風漸
起蘋未肯登臨虛北麓也將瞻眺慰南隣

雍署接體復伯兄來訪志喜

千里秋江動遠奔五年春夢話寒溫鶴原翠色凌黃
葉雁序清光焰白門異地別來憐病共同根老太慊
思存迎人籬菊能相待細盞含風侑晚樽

坐中接率未齋年丈函問感悼一律

偶延過客霏珠唾忽愴知交賦玉樓悵望三秋無雁
足忍聞一榜折龍頭圍成漫締郊遊約人太誰商吏
隱謀近況弟兄零落甚錫山接踵武林愁

象復仲兄來署未幾言還賦別

五載睽違纔促膝三山惆悵又維舟顏無大藥誰能
駐庭有連枝自得麻問判織耕還本業情紆婚嫁只
私憂新年擬作歸田計春酒兵厨合計畱

戴初士白下言還次來韻賦別

引領允儀麟鳳看春風先到煖氈寒誰誇斗酒百篇
富剩取千金一笑歡蚤見延津神有合羣知賈傳策
能安遊情未肯羈桃葉應急粉鄉待舉餐

吳明遠客歲五旬今冬挈乃郎來雍以賀篇見
示予續律爲壽

風雅于今此道稀白門邂逅得依歸詞壇牛執推文
伯仕路鴻冥映少微海內金蘭交有簿塔前玉樹種
成圍觴稱半百詩千詠傾盡江南數斛瓊

署中卽事

閒曹未便慊疎慵吏牘偏乘應接叢冷署過存勞客
缺曉窗催起俗僧鐘頭顱漸逐年華改牙角頻驚士
習匈愧怍自知浮樂育漫將知困謝章逢

病中有感二律

亦知學趨仕優餘強半嬰疴廢燕居倦後簿書成冗
蟬荒來食客可無魚石甌復作梅花合瓦缶新憐竹
葉疎素業漫期同歲改且支寒骨向陽噓

其二

老來若與病相期，病去老添作贈持。形穉但思忘帶，適日蒿轉訝數鍾遲。梅稍月璧誰爲主，蕙帳冰稜只自知。暑冷獨欣无歲事，可將清夢領玄禔。

壬午元旦試筆二律

午歲乘權斗轉魁，人文南國又昭回。梅香一院重迎雪，竹爆千門竟起雷。地接大江春可渡，堂聯新館泰先開。遠臣莫罄嵩呼祝，登薦還呈樂育才。

其二

簪裙甫罷筆爭魁，文事應同歲律回。鼓肄三時待雨門，當闢四侯須雷家傳尺牘心。先往市購車書日，可開私喜泰逢成道長。朝家連茹有賢才。

賀朱完素壽七十

五朝大老欽黃髮，七泰閒身寓白門。已快翔翎雙鳳起，何妨抱膝獨龍蹲。中原遺愛甘棠潤，南國留良豐芑尊。放罷獻鳩還祝鵠，庠星長映柏椒樽。

人日大春

年華開日忽逢人，月令尊王又進春。人裏春光爭綵勝，春中人事競靈辰。雪消北麓山容倩，風動東郊

水氣馴共喜鞭牛乘霽景可將買犢諭村民

孟春大 饗登 孝陵寶城有紀

寶城層累勢崔巍萬木蕭森掛夕暉滴石疑從峨眉雪
化鳴條竟挾海濤飛珠襦盡日浮佳氣方劍何人識
秘機 明主若知呵護密不將星使動宵衣

孟春 陵饗禮罷偕吳若谷遊靈谷寺

紅門路轉白雲封第一禪林境即蓬萊古留遺仍有
鉢谷靈呼應自能鐘泉通法力八功水蔭足恩波五
里松私喜首春尋勝蚤同人世外說根宗

送劉淇筠還 朝

貴戚駢駢動鎬都江南春到煖征途星輶漸歷詳輿
地石榜條刊奠鼎湖肺腑情深憑五等 天顏喜霽

賴三謨周咨入 告知能異激切無煩鄭俠圖

上元日蚤祀天妃宮便遊淨海寺

代庖瞻禮祀天僊又在禪林得勝緣露掌臺通霄氣
灝潮音閣會海觀圓石從羊叱拳非一嶺以獅名界
大千茲夕無勞尋火樹日車蚤已接燈傳

生日有感

半百籌添際景辰風光又見柳條新宦情合在吏而
隱師道慚虎經與人連茹喜逢君子泰及瓜諳識廣
文貧年年觴祝饒春酒醉臥無勞畢部鄰

淮海道黃如千先誕日一日馳賀賦謝

椒頌持來兩浹辰懸弧又挾寵光新璧池冷地空遷
客淮海餘波及散人拙守銜魚寧兆貴清修跨鶴亦
能貧絳帷自是多生色黃石奇謀奠震鄰

青陽令王登水後誕日一日馳賀賦謝

鳧鳥飛來接誕辰稱觴陳跡詎能新橋門如水唯升
士華嶺多雲屢贈人善病漸成嵇性懶無聞虛附阮

宗貧陽春有脚溫寒谷宰粟還祈賜里鄰

春日謁魏府徐清君畱酌園中有贈

石遶崇臺水遶亭侯家池館萃精靈客題積卷堪供
蠹朋至呼觴更設鱗梅粉還畱評句白柳絲爲繫佩
刀青名園草木欣 恩蔭俠骨應淡帶礪銘

清明前一日同本鄉大司寇劉海輿祠部蕭伯

玉讞部易翼五何青丘祀二忠祠展拜楊忠
襄公墓因上木末亭一憇雨花臺以遊人襍

甚竟阻有述

節屆清明哀思牽二忠祠外祀先賢臺端連袂從紛
若木未披襟自謾然燕市有揮千古淚禪林空染六
朝烟遊人莫只娛允景須問城南一隴傳

暮春詣禮部園同管誠齋吳若谷餞太宗伯林

老先生還朝

名園春暮缺登臨祖道驅車共解襟萍綴落英添錦
水梅餘抽葉簇華林茅亭特爲移樽掃花徑偏宜秉
燭尋聞道長安寬宴會使臣湛露

主恩深

三月廿三日代祀天妃官便約牛生雲致陳生

長

白門佳麗未多收賴有同人挾勝遊江上布帆雲共
緩坐中裙幄草俱柔名花新折天宮艷怪石重披佛
剎幽誰道風零千古事獅山一日已堪留

四月初一日同職部章大力曾洪西赴無法上人
招遊謝公墩

不忍春光便放歸相期蘭若肯相違多情太傅娛絲
竹無礙高僧寄衲衣地以人留形自勝法從身現語

浸微六朝往事寧堪問唯見林間起夕霏

友竹侄客滇蒙孫甘甫以客禮優之來署又荷
贈篇次韻賦謝

滇雲鷲奮屬英年便向天衢試補天治譜自傳思召
美形模先得鑄顏賢竹林有客資彈鋏璧水諸生費
割氈珍重化行南國意並將路鐸釀家絃

九日同吳若谷赴侯晉田招飲賦謝

風雨蕭蕭景滯騷喜陪清讌共持螯金飈節緩絨蓉
菊玉樹枝榮借李桃未解韻人能送酒淡慚賦客拙
揮毫高談已挾青雲上何事龍山更說高

九月望日同張緯黃赴無法上人招遊淨通庵
及謝公墩因次張緯黃韻有作

登眺高秋步古關雲林煙井布空華區中悟寄身如
葉物外譚禪舌有花僧老別棲蒼竹院民移半作白
門家懸知攬轡澄清意未肯江關慕遜嘉
登寶法庵有述

偶緣謁客過禪林境覺超然步自尋舊列峭營懸柳
色新裁梵刹貯松陰大千界攝三山地小九名隆片

石岑擬盡高秋還盡勝不將酌應易登臨
陳岳楚招遊雨花臺同有初侄

璧水棲遲閱兩秋雨花臺畔試新遊看人浮白形何
穢聽客談玄耳更幽煙井盡歸千里極霜林曾受六
朝麻翻疑木末斜陽外匹練江光擁錦流

遊棲霞寺道中有述

城北迢迢一徑通攝巔遙睇紫雲中山鄉事事存民
質場圃家家雜婦功稻葉亂鋪村路滑菜根爭汲澗
溪滌禪關未許塵姿狎已御輕飈俗漸空

季秋送屈毋殯便遊天界寺

素車闐隘抗冥旌猶抱餘哀問化城殿徑隱松僧自
領閣巢棲鶻客多驚奇形畢出諸天現法物偏經累
劫明送往居然成其盡如來何自悟無生

癸未元日試筆二首

爲竟垣墉代兩廂猶將遷客會冠裳家連汝水庭趨
治署遠容臺陛舞忙未敢頌椒娛几席亟修釋菜肅
官墻公餘竊幸蠲苛禮能手芸編對草堂

其二

東坡家集 四卷
壁水棲遲又一周履端何意復相畱世途却步塵踪
目生計驚心雪蒲頭造士敢希魚躍化還家漸喜鳥
鳴幽只祈風雨微肯若種秫仍教有薄收

六堂修復贈首事諸生何起溟

清齋並近聖人居壁水身先氣誼噓髦士峩峩傳術
蟻講堂翼翼兆銜魚黍離會見園橋舊木屑能收運
甕餘珍重吾徒推轂意好將時務展才諳

先上元一夕赴侯晉田招飲席前遍觀東西園

賦謝

綺席名園兩作招趁遊宴俟燭高燒樓前山色煙初
日檻外梅粧粉故嬌火豎高棚疑層市燈驅長駕現
虹橋應憐遷客將言別盡出奇觀侑此宵

元夕欲雪

九陌空將風月招同雲不受蠟薪燒歲占豐玉農情
劇夜戰寒冰洒力嬌齋冷無心懸火樹市喧猶事進
星橋何妨偕樂仍孤映應有青藜伴徹宵

生日有感

橋門久已動鶯遷濡滯猶看初度躡鶴放幸無非分

祝雁鳴喜有似才全中原亟望春臺日下壽虛添海
屋年醉臥竟忘身是客萍蹤轉盼又風煙

錫山道中

錫山秀色聳平原夾岸殘桃晚暎暄野艇生煙歸別
浦繁吹逐浪入孤村舊遊頗憶愚公谷夙尚欣瞻理
學門零落近多師友恨西州餘感動黃昏

舟過錫山秦原嗇黃彥弼世丈暨秦君門人欲
送吳門飲餞舟中薄暮寇信逼甚廢然各別

暖逐晴春散滿原移樽更覺意多暄行厨脩載泉中
釀震澤遙詳山下村土樂三吳安客枕情淡兩地遡
師門無端鄰檄驚分袂不及寒鴉穩集昏

別秦原嗇諸丈蚤發新安望姑蘇

並急隣烽赴鶴原獨將煙棹撥晴暄鳥調舊語迎新
候樹發鮮枝抱宿村一日三秋聯越艇千人片石峙
吳門還應前路逢知己握手談心夕未昏

吳江道中

紅紫芳菲闕隰原名封錯繡景能暄環橋涵水皆通
舸孤寺懸洲自作村湖汲蘆泥肥土壤岸浮花氣覆

窗門獨憐春去三之二猶伴征帆朝與昏

崇德道中被警次日感作

昨宵風鶴力相持慰藉驚寬倦莫支橋畔磬聲依竹
院岸頭帆影亂桑枝花村解約茶煙起草徑能招麥
浪隨但得人心同物靜不教客路嘆多岐

穀雨次日蚤發塘西

穀雨屆期宿雨連隨舒朝日霽林烟笋同來燕供鮮
箸柳穿歸魚鬻蒲錢近岸蛙聲當部吹遠山螺黛透
湖妍舟人解道農家語應候陰晴慶有年

舟次杭城

岸蔽艤舟波掩漣野航時見有炊烟輜軒莫問行臺
署貧驛難賠過客錢售貨校童多苦窳進香遊女並
爭妍相迎舊館渾難憶再別風塵已十年

桐廬道中

客艇重過七里灘釣臺此日望中看片帆風翻颺還
飽一路烟鬟秀可餐樹影倒時川倍淥泉聲飛處谷
猶寒山靈莫訝相遭淡應愧塵容鬢久潘

嚴州道中

浪頭噴雪幾回灘兩岸青山不厭看架草漫披當美
睡園蔬可市即精餐林苑入夏晴猶濕麥候催秋燠
不寒且喜扁舟冠蓋少逢迎無復望塵潘

舟發蘭谿

梅雨通宵欲濕裝朝來策笠看成行素帆入浦迷煙
樹白石沿溪碍葦紅慣織嬌鶯藏影密喚農新鳥還
村忙金華美醞饒堪市莫遣行厨斗酒荒

舟泊常山

兩度辭舟未即還半肩行李亦間關催人自迫春徂
夏送客能紆水與山鶯語較於鄉語滑鷗情先得旅
情閒溪聲此日宜傾聽嗽石應須入里灣

常山道中

月餘舟抗小溪灘擔析輕裝力復慳石徑喜無梅雨
滑花村幸有麥秋安分秧酒冽通江俗啼鳥山溪具
浙觀見說西南俱假道館人只恐授無餐

玉山署中遇雨

境入鄉閨望轉悠翻盆宿雨未能收行人意共三農
快過客心懸一日畱嵐重猶疑虛晚焰航輕復欲借

新流空庭嘈雜形多穢孤鶴徘徊致自修

上饒道中

湖東村落故相鄰麥隴鋪黃稻綠新野作能如禽語
喚嵐光覺與馬頭親石懸水派如飛瀑塍漫溪流足
洗塵近里無勞多問訊農祥嘉氣已迎人

興安道中

擬進長程力莫加僕夫偃息夕陽斜村村農事驅牛
耕處處山形抱犬牙靈岫空瞻高隱窟仙橋不泛俗
人槎更平陽隨意遽廬宿何地城闔無月華

癸未午日靈雨應祈

族憫驕陽事舞雩甘霖應節共懽呼畫船立幟爭雲
錦朱索傾筐得雨珠解愠何須長命縷降康寧假辟
兵符憐予旬日疲迎送緩對涼宵滿泛蒲

六月既望予室人花甲初周而予偶以里居與
賀亦一幸也爲詩以紀之

室人已周花甲紀我輩應增草木年綵挾梨園娛子
舍節催桃實上賓筵歲常作客稱觴阻事偶從心舉
案全乍入里門逢勝事須知休沐荷如天

孟秋二日寓郡城接 宮詹報馬有述

三十年來仕籍通今秋乍覩捷音叢班鷁北闕傳麻
白旋馬中庭奪錦紅舊學共知躋聖域新 恩再許
長春官郡人引領祈天澤雨露先來汝水東

癸未九日劇飲仲兄家歸憶南都茂菊

去年重九景堪誇猶憶籬邊麗物華有分子人唯竹
葉無根隨地任萍槎未開楊氏三三徑安得殷翁七
七花所喜相輝尋樂近不將遍插寄思遐

重九次日忽接畱園移菊用前韻志喜

佳節慚無佳卉誇忽然庭際對黃華奇芬未入淵明
把異種先傳博望槎自有白衣添勝事何須甘谷覓
殘花棲遲欲作畱園主取次餐英歲月遐

賀攄素宗丈八十二律

耀燦南星映近村六朝大老責衡門澤流長吏人多
祝經挾師儒道久尊踵息自叅彭祖秘眼明猶辨令
公孫歲逢獲稻宜春酒介壽應添北海尊

其二

一別風塵隔廿年欣逢黃綺筭加千公車竊附先鞭

後吏牘群推上考前鷗侶盟新專白社鶴吹譜舊共
青氈竹林未暇依高韻九老還期續會筵

臘月初九日長孫永命舉聘志喜

嘉平霽色蕩芳辰又見孫支牘奏姻燈下鸞絨開曉
曙笥中鴛錦貯先春百年復結通家舊一輩將添著
代新觴罷門庭無襍冗特邀梅月待冰人

甲申元旦試筆

衡門歲月又更新六甲推遷積五申班遠楓宸形漸
懶情依梓里訟彌真綢繆夜戶聲喧柝拜稽春衫汗
浹巾自是土牛能送煖只祈戎馬莫生塵

新正五日窺園

偶際新年揖客稀便從園涉領新機庭花香續殘梅
隱益草青分苗柳微風定鵲巢增舊勝雨滋鶴粒助
鮮肥未將繙閱妨瞻眺爭恐春充與俗違

先上元三日苦雨

畢竟江南澤氣蒸便逢雨打上元燈錦屏不破煙樓
冥寶炬如圍雲幕層花下暗香傳亦滯漏中清響滴
疑增誰將火樹噓新旭蚤慰農家歲兆登

元夕苦雨薄暮忽晴依韻志喜

只道春來雨意蒸何期霽色耀華燈暫修茗椀西賓
讌忽轉冰輪上界層太乙光涵藜火濕遊人興逐楮
泥增慚予不禁良宵思也向宗祠闕處登

里居生日自識二律

南征本擬近園林此日春觴得其斟蒲柳也躋花甲
滿桑蓬仍護草堂淡舊遊人事酬如昨新益天年荷
自今更喜芳辰逢雨霽能留珠履醉珪陰

其二

自憐麋鹿便山林醮宴方殘又祝斟六表籌添衰齒
漸廿年筆珥 聖恩淡直愚有疾能留古後畏無聞
竟負今典學還期光就燭肯將逾邁擲磁陰

奉和青陽令登水宗丈壽予二律志謝

華峯鳧寫接中台瞻念宗盟故里槐煖律舊噓燕谷
黍春風新拂海籌枚應慚俗學聞無順或冀天年護
不材自是宰官多法力躋民仁壽慶方來

其二

紛紛南北乍衡門遙憶琴堂卓理繁高誼神交傾北

海雄才擘畫蹴西崙拊循青巘雲膚合奏對
彤庭日影暎老我霜蹄空暫息看君風翮恣孤騫

仲春五日涉園

經旬苛禮困稱觴忽報東園桃李芳春霽自偕花木
悅身閒始覺蝶蜂忙水聲雨後泉初動竹影風前態
故狂幾許酒腸憑致浣莫教舒眺逼斜陽

其二

何事春允滯豆觴正空孤緒對羣芳昔嘗穀布鳩先
喚候到花明燕自忙竹下未施隨枕便松陰已受踞
箕狂低回莫負晴川賞風雨絲來妬艷陽

其三

何須樂事極飛觴暫可閒情寄野芳園客舊諳書草
適奚童新習種花忙山間候鳥歌仍韻林外風煙逐
亦狂始信逃喧饒有會擬將歸髮待朝陽

里居季春逢長兒四十

兒輩浸尋歷四旬當家歲月總勞人欲生梨棗胸除
棘期種芝蘭里飲醇詩禮庭前還可對功名身外未
須親若翁此日能萍聚覲省無煩逐馬塵

翁周花甲子添旬先後稱觴亦可人候到剪荼春日
老歲逢插稻酒多醇兵荒自覺饗殮侈衰暮偏空骨
肉親駒隙誰堪仍驚走衡門久許遠波塵

其三

暗數春歸不待旬迎賓兼作送春人鳩筇蒲座粗仍
雅塵柄博盃淡亦醇膏雨田間朝沛足香風樹外晚
來親但能嘉樂長如此軒冕原堪視等塵

錢止宐陳太尊公祖榮任饒南九觀察

且欣入里得樓遲觀政黃堂未後時舞絕商羊頻徙
市驚淡風鶴獨寒帷棠陰舊德官前藻草木新名郭
外芝倦翮無能修祖道祇將公後締勞思

其二

久在優遷莫厭遲從民攀臥更需時飛雲屢染臨川
筆化雨弘開南郡帷草偃五春歌穗麥荆菱六邑種
芬芝新忝舊是循良列旦晚宣麻副 憂思

和遜志任傷六獵夫見殺

有引

境多虎害力農之氓農隙時獵較于原以驅之亦

里俗之常也近有衆逐虎鹿駭而逸里有獵夫六
羣犄角之自謂卽鹿無虞而不意翻入淡山村之
虎口也甫近于山淡山村之兇人遂以爲盜而執
戮之六夫羣跪乞命彼族之與六夫識者亦羣起
保救乃彼兇悍然不顧竟手刃之而六夫遂駢首
就戮矣寃哉予亟欲暴其寃而予侄先得予心傷
之是不可無和也爰依韻二律以識其事云

逐鹿中原鹿未驚微軀已犯矢弧星負嵎別有虎狼
穴委壑空資蠅蚋腥出火鼻端林外冷濺人頸血雨
中冷淡山自是多兵氣日暮愁看燐雜螢

其二

何事綠林動骨驚長楊較獵認妖星鹿奔似挾窮途
哭狗走翻招鋒鏑腥未快風毛先隕落詎爭雨血共
淋冷萋萋芳艸迷歸路應傍槐陰焰暮螢

輓奉常劉鷓岑

玉署當年藜火青掖梧珥筆震彤庭權璫蚤見薪摧
桂瓊闥誰憐賦采苓十稔功名還舊俎八騶譽望滯
新礪河清難俟人朝露忍看雲林駭折星

其二

錦川栗烈夜燈青
趨對凌其寂鯉庭射隼祥
開鸞鳳草啼鶻血染鷓鴣
苓才夕說苑傳家乘道範
蒲鞭想古劄中秘父書還
可讀太丘舊仰聚賢星

雨後偕陳惟易先生門人送先生及郊便往觀

溪水兼佇望先生有迹

師門目送佇郊墟
又傍溪流悟海觀
晝夜知通川上逝東西
說破性中湍漫疑積雨
同時化須信蒙泉具
井寒所在綠陰成
絳帳軒車其作御風看

輓體復伯兄二律

童稚提携賴有君
一經肆力共耕耘
親闈姜被當萊綵
仕路燕臺隔楚氛
夢句空資池畔草
對床只憶石頭雲
正憐暮景圖萍聚
誰遣淒風析雁羣

其二

叔世流漓幾似君
不將混沌破鉏耘
全真自領兵厨趣
遣累兼無阿堵氛
橋峙夾槐標碣石
水迴浮竹接溪雲
棲遲長抱人琴感
安得同盟鷗鷺羣

苦雨

繇來溽暑苦滂沱誰似茲辰汎濫多潦水奔騰隨月
望空階浙滴與更和應將翔貴憂困米安得旅生被
畝禾轉餉東南仍檄急可能雨粟給催科

帝京十憶有小引

歲甲申五月外間頗有京師失利之語予疑

信半之迨後語漸確有持南京塘報來者載其

事甚悉云陷京師以三月望後二日也予乃

始痛哭流涕仰天而嘆日以天縱之

主而忽爲天之所廢天之不可問也有如此哉閱月

未嘗舉詩蓋以悲憤填膺不惟不暇亦不忍也

旣而思曰使從此便廢詩則已如不能廢則不

平之鳴孰有先于

帝京者暑月焰人撫今追昔悲傷益不自勝爰抒

帝京十憶以志天心之未厭亂我生之不逢辰也遂

拭淚而筆之

聞報夷猶憶帝京漸詳淚下不勝情十年靡敝徒

資寇三日倉皇有鬻城代作聖賢天曷棄倫當

君父士猶明獨慚侍從叨休沐未獲攀髯殉此生

其二

廿載長安憶 帝京依依玉署自生情
班中雀舌分官幄 馬上鶯聲出禁城
筆艸視來花影動 掖梧對罷月華明
皇洲春色歸何處 想見銅駝荆棘生

其三

二百餘年憶 帝京妖氛何事大無情
龍升冉冉非關闕 虎視眈眈竟入城
星闕紫微驚下座 風霾青禁失前明
也知害氣乘除定 逢羅誰堪自我生

其四

初服除璫憶 帝京太阿獨握有深情
備嘗險阻龍潛即 妙用機權狐伏城
格在破時摩鈍眊 典當通處見神明
何居小醜威聲挫 有主無臣愧冑生

其五

三匝奴騎憶 帝京寇來三宿便輸情
人謀定定兵同餉 天險難升池及城
汴水陸沉功蟻潰 楚江骸積兆龜明
並將歲月供憂謔 亂始萌芽豈旅生

其六

宵旰年來憶 帝京九閣萬里亦關情
鶴軒未見恩

逾甲花石何曾寵入城粟爲養兵醜貴戚門當遣將
御陽明祗緣勦撫迷當局遺恨庸醫療手生

其七

血詔哀哀憶 帝京奸人悞國豈忘情志期漢武威
橫塞望絕包胥哭救城臣欲甘心民可恕髮雖蒙面
性偏明誰知一縱崑岡火玉石俱焚禍衆生

其八

與難堪憐憶 帝京感恩知己屬高情在三孰不依
寧宇借一誰能奮背城事在桑榆修捍晚分當草莽
報施明寥寥國士無多數取義先須辦舍生

其九

藩奠金陵憶 帝京仇無共戴有同情免豈蕭蕭公
侯匹瓜瓞綿綿宗子城 國運周東衰復振人心河

其十

朔晦逾明何當一洗江山恥引領秦淮王氣生
此日里居憶 帝京山林小隱久含情治時平郡欣
無黨亂際襄陽賴有城自分政寬容宦拙更祈事定
可農明纍臣應媿謀人國耕鑿餘年頌好生

東坡家集 四卷
甲申中秋夕與客同遊溪上有感

三五今宵又素秋徘徊溪上暫爲酬
都人正肅同仇社里婦還喧
挈伴遊逆象驚心頻望斗涼風當
腋恣臨流漫疑影裏山河碎須待
中嵩月戶修

其二

狎客低回話賞秋主人多感倦相酬
誰乘老子胡床興安得明皇仙蹕
遊歲月無情川共逝江山有恨淚
同流更憐半壁東南地猶席粗安
懼自修

甲申八月廿三日接部堂報馬有感
便用太歲

宮詹舊韻

繫臣孰敢姓名通寵秩何期與罪叢
薄命未隨捐骨白溪恩屢荷錫音紅
寅清自愧咨三禮甲令誰傳問
兩官馬首隔年能似昨鼎湖已逐逝
川東九月三日復接差弁送咨有感

郵傳何事浹旬逼應訝南冠集未叢
清秩豈酬虛望白崇資轉發愧顏紅
分茅翊戴袞新邑離黍淒涼感
故宮已許宦情秋其淡莫疑煙棹便
江東

九日同客重遊後山有感

隨俗登高薄暮歸披襟汗濕未能晞塵凝力壓龍山
帽歲燠心輕幽戶衣水已潭空偏借漑花當酒釀故
相違 兩宮誰壽興南宋三復茲篇淚欲揮

壽毅甫侄六十

里居完聚話同庚馬齒慚予先孟正仕守抱關全吏
隱儒分珍席裕科名囊空自得廉無咎膝繞咸知慶
積盈皓首相看餘樂意恰宜祝後更浮觥

壽季從宗丈五十

公子翩翩叶綬麟懷君九事諒能真槐庭阻美推三
俊蘭社心同只二人志壯暮年神驥伏功淡易學上几
龍馴白雲日夕多佳氣長嚮重門護大椿

何印尼過存接黃五明孝廉凶問志哀

睽違廿載隔鴻鱗忽愴郵傳已返真只向含飴傳祖
武不將竿牘毀儒珍一宮竟絕雲霄路四壁無藏風
雨身古貌古心人漸遠盱江何處訪清塵

賀振所侄六十

初度君今初紀周居然福慧復何求賁園不受塵纓
縛恒產能資筆未收筭借新年添甲子會逢小歲樂

春秋同庚竊喜觴先後其約梅花竹酒籌

...

...

詩

...

...

...

...

...



